

PP-PSOE ITUNA. Batasunak «basakeriari» mugak jartzeko eskatu du, eta IUk zalantzan jarri du eraginkortasuna

Udalbatzak desegiteko neurria gaitzetsi egin dute alderdi abertzaleek

Zinegotzien segurtasunerako neurriak EAEko segurtasun batzordera ekartzeko dio Imazek

Agentziak | GASTEIZ

PPk eta PSOEek hitzartu dituzten neurriek alderdi abertzaleen eta IUREn erantzuna eragin du. Hala, Batasunak «basakeriatzat» jo du Ministro Kontseiluak udalbatzak desegiteko aukera izatea; EAK «lazarri» deritzo aukera horri; EAJren aburuz, «Konstituzioaren eta demokraziaren aurkakoa» izan daiteke; eta IUk ohartarazi du PPkoek eta sozialistek iragarri dituzten neurriek nahi ez diren ondorioak izan ditzaketela.

PP-PSOE itunaren batzorde teknikoa bildu zen herenegun, eta, besteak beste, erabaki zuten «indarkeria babesten duten udalbatzak» desegitea. Horretarako Toki Administrazioako Araubidearen Oinarrien Legearen 61. atala erabiltzea proposatu dute. Halaber, nahi dute Hauteskunde Legea aldatzea zinegotziak mehatxatzen dituztenak hauteskundeetara aurkezteko eskubidea gal dezaten, euren aurka epai irmorik izan ez arren. Gainera, hauteskundee-tako mahaletan begirale lane-tan aritzeko ez da beharrezko izango EAEn bizitzea, bi alderdien asmoak aurrera eginez gero. Eta beste proposamen batzuetan ere bat egin zuten.

Otegi dei egin dio Ibarretxeri

Arnaldo Otegi Batasuneko bozeramaileak Juan Jose Ibarretxe lehendakariaren jokabidea salatu du, Madrilgo erabakiei aurre egiteko borondaterik azaldu ez duelakoan. «Ez daki-gu zer gertatu behar den lehendakariak ikus dezan», adierazi du. Batasuneko eledunaren arabera, argi eta garbi azaltzen ari da gatazka politikoa, eta hori



PACO CAMPOS / EFE

PP-PSOE ituneko batzorde teknikoaren bilera, herenegun. Martxoaren 25ean egingo dute hurrengoa.

LEGE BILTZARRERA BEGIRA

Neurriak erakundeetan eztabaidatuko dira

PPk eta PSOEek hitzartu dituzten neurriak Gasteizko Legebiltzarrean eta Udaletan eztabaidatu nahi ditu alderdi popularrak. Hala jakinarazi du Javier Arenas PPko idazkari nagusiak, eta EAJri ohartarazi dio aukera izango duela neurri horiei buruzko iritzia azaltzeko.

Zinegotziak defenditzeko neurriak PPren eta PSOEren artean bakarrik hartu izana defenditu

du Arenasek. Esan du EAJk ez duela amore eman burujabetasunaren alde eta hori egitea ezinbesteko baldintza dela «eztabaida politikoan» aritzeko jeltzaleekin.

Beste kontu bat da erakundeetan eztabaidatzea, eta hori ahalbidetuko du PPk. Neurrien alde dagoen ala ez azaltzeko «aukera» izango du EAJk, Arenasek esan duenez: «EAJk prest dago HBri laguntzak kentzeko? Legebiltzarrean ikusiko dugu. Prest dago Udalak akusazio gisa azal daitezen mehatxatutako zinegotziak defenditzeko? Udaletan ikusiko dugu».

aintzat ez hartzea «politika birtuala» egitea dela pentsatzen du. Estatuaren jokabideari aurre egiten ez bazaio, gero eta gehiago exijituko duela ohartarazi du Otegi. «Basakeria gero eta handiagoak egingo ditu al-

daketaren aldeko apustua egingo ez badugu, zilegitasun handiagoa dutela sentituko baitu», adierazi du.

Josu Jon Imaz Jaurlaritzako eledunak, haatik, garrantzia kendu die PPk eta PSOEek hartu

zituzten erabakiei. «Bi alderdi-ren erabakiak dira, ez zaio beste garrantzirik eman behar», adierazi du, eta zinegotzien segurtasunerako neurriak EAEko segurtasun batzordera eztabaidatzeko eskatu die.

ESANAK

JOSU JON IMAZ

(Jaurlaritzako bozeramailea)

«Bi alderdiren erabakiak dira, ez zaio bestelako garrantzirik eman behar»

ARNALDO OTEGI

(Batasuna)

«Aurre egiten ez badiegu, zilegitasun handiagoa dutela sentituko dute»

BEGOÑA ERRAZTI

(EAKo lehendakaria)

«Lazarria da. PP eta PSOE oso bide arriskutsuan sartzen ari dira»

JAVIER ARENAS

(PPko idazkari nagusia)

«EAJ prest dago HBri laguntza publikoak kentzeko? Legebiltzarrean ikusiko dugu»

Begoña Errazti EAKo lehendakariari «lazarria» irudituz auzi udalbatzak desegiteko aukera izatea demokrazia batean, eta PP eta PSOE «bide arriskutsuan» sartu direla uste du.

Emilio Olabarria legebiltzar-kide jeltzalearen arabera, neurria «Konstituzioaren aurkakoa» izateaz gainera, «demokraziaren aurkakoa» ere bada. «Fujimoriaren Gobernuaren erabakia dirudi», adierazi du.

Felipe Alcaraz IUko eledun parlamentarioak, berriz, ohartarazi du nahi ez diren «ondorio politiko eta elektoralak» izan ditzaketela, eta indarrean jartzeari «zaila» izango dela.

TREBIÑO. Jaurlaritzaren laguntzak gobernuen arteko harremanetan ez direla sartzen adierazi du Gaztela eta Leongo Juntak

Agentziak | GASTEIZ

Burgosko ez du amore emateko asmorik Trebiñoko afera. Burgosko Diputazioak osoko bilkura egin zuen atzo, eta, besteak beste, mozio bat onartu zuen Trebiño Burgostik ez bereizteko. Talde guztiak ados izan ziren, IU abstentitu bazen ere.

Onartutako mozioak azpimarratu egiten ditu Trebiñoko Burgoskoekin dituen «lotura histori-

Trebiño bereiz ez dadin, mozioa onartu du Burgosko Diputazioak, PP eta PSOEren bozekin

koak, sozio-kulturalak, ekonomikoak eta hezkuntzakoak». Dena den, afera badagoela onartu eta irtenbidea bilatzeko lankidetzak eskaini du Diputazioak, mozioaren bidez. Haatik, nabarmendu du irtenbidea Konstituzioa eta Gaztelako Estatutua betetzeko soilik lor daitekeela.

Alderdi guztiek bat egin zuten mozioarekin, IUk barne. Pedro Puras IUko bozeramaileak, hala ere, esan zuen abstentitu egingo zela, «alde bateko zein besteko abertzaletasun amorratuak txarrak direlako».

Jaurlaritzak eta Arabako Foru Aldundiak Trebiñoko uda-

lekin izenpetu dituzten hitzarmenak kritikatu dituzte, halaber: «Desegokiak dira, Gaztela eta Leongo eskuduntzetan esku hartzen dutelako».

Gaztela eta Leongo Juntak ere udalek eta Jaurlaritzak izenpetu dituzten hitzarmenak gaitzetsi ditu. Uste du Jaurlaritza

behar ez den tokian sartu dela, hitzarmen horiek ez omen direlako «doitzen» bi gobernuen arteko harremanei.

Hitzarmenak aztertuko ditu Gaztela eta Leongo Juntak, helegitea aurkeztu ala ez erabakitzeko. Juntako bozeramaileak, gainera, adierazi du ez dagoela inolako arazo politikorik. Jaurlaritzak eta Trebiñoko udalek 306.516 euroko hitzarmenak izenpetu dituzte.